



Jens Napátok
Partii Naleqqamit Inatsisartunut ilaasortaq

§ 37 naapertorlugu apeqqutip nr. 104/2025-p akineqarnera

Ulloq: 24-07-2025

Asasara Jens Napátok,

Suliap normua: 2025 - 15095

Inatsisartut suleriaasianni § 37-mi, imm. 1 naapertorlugu Naalakkersuisunut apeqquteqarputit. Apeqqutit uannut akisassanngorlugit innersuussutigineqartut qujassutigaakka. Apeqqutit issuarneqartarput tamatumalu kingorna akineqarlutik.

Suliap nr.: 25561090

Postboks 1160
Oqarasuaat: 34 50 00
3900 Nuuk
Email: pn@nanog.gl
www.naalakkersuisut.gl

1. Nunatta tarnikkut katsorsaavia misissuisarnertik taamaatissimallugu ilisimatitsisimapput, Naalakkersuisut tamanna ilisimanerpaat?

Akissut: Naalakkersuisunit ilisimaneqarpoq, piffissat ilaanni tarnikkut napparsimasunik nalilersuinernik ingerlatsisinnaaneq killeqartoq.

Tamanna ilisimaneqarluartumik ajornartorsiutaavoq, napparsimasut unitsitaallutik tarnikkut napparsimasut nalilersorneqarnissaminnut utaqqisarnerat annertusiartortoq. Tamanna ilaatigut napparsimasut nalilersorneqarnissamik pisariaqartitsisut imaluunniit kissaateqartut amerlanerulernerannik pissuteqarpoq, ilaatigullu tarnikkut napparsimasunut suliassaqaarfimmut sulisussarsiornermi ataavartumik unammillernarsinnaanera pissutaavoq.

Ajornartorsiut taanna peqqinnissaqaarfimmi nutaajunngilaq aammalu § 37-mi apeqqummut nr. 042/2024-mi nassuiarneqarnikuuvoq. Tassani erseqqissarneqarpoq Peqqinnissaqaarfimmit pingaartinneqartoq pinarsuurtumik katsorsartariallit, napparsimasut unitsinneqarnissaminnik pisariaqartitsisut itigartinneqarsinnaanngitsut, tarnikkut nappaatillit pinerluuteqarsimasut kiisalu pinannginnerusumik tarnikkut napparsimasut. Pingaarnersiuiineq peqqutaalluni, napparsimasut unitsinneqartussaannngitsut misissortinnissartik katsorsartinnissartilluunniit sivisuumik utaqqissagaat ilimagineqassaaq.

Sulinngiffeqarnerup nalaani, soorlu aasaanerani sulinngiffeqarnermi, amerlassutsit suli annerusumik eqqorneqartarput, tamannalu unitsitsinani misissuinissamut utaqqisarneq sivitsorneqarneranik kinguneqartitsisarpoq. Misissortittussat amerlassusii ikiligallernerinut piffissami aalajangersimasumi sulinngiffeqarneq peqqutaasarpog, ukiullu tamaasa peqqinnissaqaarfimmi sulisoqarnermut sunniuteqartarluni. Tamatumunnga ilaavoq sivisuumik atorfinitsitsisarnermik unammilligassaq, taannalu suli isumaginninnermut ataatsimut isigalugu pisinnaassuseqarnermut sunniuteqartarpoq.

Kisianni erseqqissassallugu pingaaruteqarpoq, nuna tamakkerlugu pinasuartumik tarnikkut napparsimasunik sullissisarneq piginnarnissaa, aamma tarnip nakorsaanit misissorneqarsinnaaneq unitsinnissaa politikikkut aalajangerneqanngilaq.

a. Ilisimatinneqarsimagunik qanga tamanna piva?

Akissut: Apeqqut 1-imut akissut takuuk.

b. Suut tunngavilersuutigineqarpat?

Akissut: Apeqqut 1-imut akissut takuuk.

c. Naalackersuisut qaqugu innutaasunut ilisimatitsiniarpat?

Akissut: Tarnikkut nappaatilinnik immikkoortortaqaarfimmi unammillernartut pillugit pisortat attuumassuteqartullu Naalackersuisunit ataavartumik oqaloqatigineqarput. Naalackersuisut ulloq 8. juuli 2025 tarnikkut nappaatilinnik susassaqaarfik unammilligassat pillugit tusagassiorfinnut nalunaaruteqarput.

2. Naalackersuisut aaqqiiviginissaanut qanoq pilersaaruteqarpat?

Akissut: Naalackersuisut tarnikkut nappaatilinnik susassaqaarfik nukittorsarneqarnissaanik pisariaqartitsineq tamakkiisumik maluginiarpaat – siunissami qaninnerusumi ungasinnerusumilu Taamaattumik arlalitsigut periusissiamik siunertaqarluartumik sulissuteqartoqarpoq, tassani ilaatigut imaqarlutik:

- Sulisunik piukkunnaatilinnik atorfinitsitsisarneq sulisullu sulisoriinnarsinnaaneri pillugit suleqatigiinneq
- Ataavartumik atorfeqarnissamut atugassarititaasunut najoqqutassanik pitsanngorsaaneq
- Nunatsinni ilinniartitaanermut piginnaanngorsaaneermullu pingaartitsinerulernermik qiterititaqarneq.
- Nunanit allaneersunik suleqateqarneq, ilaatigut Danmark, katsorsarneqarnermut aammalu atorfinitsitsisarnermut tunngatillugu.
- Nuna tamakkerlugu tarnikkut nakorsiartarfittut aaqqissuussamik nutaamik ineriartortitsineq.
- Tarnikkut nappaatilinnut illu atuutilersinneqarnissaanut piareersarneq, tassani 12-iniit 22-nut inissaqartitsinermik qaffaassaaq.


Tamatumalu saniatigut peqqinnissaqaarfimmi isumaqatigiinniarnaq annertusarneqartoq pillugu politikikkut oqallinnermi ingerlasumi tarnikkut napparsimasunut suliaasaqaarfik pingaarnertut sammineqarpoq, tassungalu partiit tamarmik sunnuteqarnissaminut qaaqquneqarput.

a. Qaqugu aaqqigivigineqarnissaa naatsorsuutigineqarsinnaava?

Akissut: Ajornartorsiutit qaqugu tamakkiisumik aaqqinneqarnissaat pillugu ullulerlugu taasisoqarsinnaanngikkallarpoq, taakku ajornakusoortuupput aammalu sanaartornermik tunngaveqarmata. Taamaattoorli naalackersuisut politikikkut aalajangersimapput, peqqinnissaqaarfik – ilaatigut tarnikkut napparsimasunut

suliassaqarfik– tunngaviusumik isumaginninnermik ajornartorsiortitsisunik
aningsaasartuuteqarnermik eqqugaassanngitsoq. Iluarseqqinnissamut
pilarsaarummik suliaqartoqarpoq, taanna peqqinnissaqarfimmi piginnaasanik
aamma piginnaasanik qaffaanernut nukittorsaassaaq.

Inussiarnersumik inuulluaqqusillunga
Med venlig hilsen



Anna Wangenheim
Peqqissutsimut inunnullu Innarluutilinnut Naalakkersuisoq